

Марк Осборн хонасидаги креслода оёқларини стол устида чалиштирганча ўтирарди. У ўзича “агар хозир бирортаси хонамга кириб колса менинг омадли ва иктидорли детектив эканлигимга шубха килмайди ва бу фикри нотўғри бўлмайди” деб ўйларди.

Осборн эндигина ўттизга кирган, бўйи баланд, юз киёфаси жиддий ва кора сочлари калин эркак эди. у ўзининг кўркам эканлигини биларди. Уч йиллик фаолиятдан сўнг унинг хусусий детектив агентлиги шаҳарда яхшигина обрўга эга бўлганди. У хали уйланмаган, лекин севгилиси бор эди. Кўнгилга соя солиб турадиган биргина нарса эса унинг севгилиси турмушга чиккан аёл эканлиги эди. Хона эшигининг уч марта такиллаши уни хаёлот оламидан воқеликка кайтарди.

-Киришди,-деди у оёқларини стол устидан туширар экан.

Гардишсиз кўзойнак таккан, башанг кийиниб олган, сочлари сийрак ўрта ёшлардаги киши эшикни очди ва ичкарига кириб келди. Детектив ўрнидан турди ва ташриф буюрувчи билан кўришди.

-Мархамат, ўтиришди. Мен агентлик директори Маркус Осборнман. Хўш, хизмат?-У кўзгу олдида кўплаб марта такрорлаб машк килган бу сўзларни ярим хаяжон билан айтди.

-Менинг исми Харолд Жонс,-деди ташриф буюрувчи паст овозда.-Сизни жуда кўпчилик тавсия килди. Менинг бир нозиккина муаммоим бор, эшитишимча, сизнинг агентлигингиз ишни жудаям эҳтиёткорлик билан олиб борар экан.

Осборн бу сўзларни эшитиб камтарлик билан бош иргаб кўйди.

Осборннинг янги мижози юзини четга бурди.

-Тахминимча, хотиним менга хиёнат қилди, аммо бунга тўлиқ ишонч ҳосил қилмоқчиман. Уни қузатишларингизни истайман... У уйдан чиққач қаерга боришини ва ким билан учрашишини аниқлаб беринглар.

-Сизга тўлиқ ва батафсил маълумот берамиз. Маълумот қачон тайёр бўлиши керак?

-Менимча, икки ҳафта бемалол етса керак. Агар бу муддат камлик қилса узоқроқ вақт қузатишингиз мумкин.

-Кўрамаиз... Лекин менимча, икки ҳафта етарли.

-Яхши. Мана бу менинг ташриф қозим. Мана бу хатжилдда эса хотинимнинг расми ва пул бор. Сизларнинг хизматингиз баҳосидан хабардорман. Қанча пул кетса сарфлайверинглар.

-Хотинингизнинг исми нима?

-Кристин Энн.

Осборннинг нафаси бўғзига тикилиб қолди. Кристин Энн унинг севгилиси эди. Бу киши унинг эри экан-да. У хатжилдни очди ва ўзини босиб олиш учун вақтдан ютиш умидида сурат ва чекка тикилди.

Жонс унинг бу жиддийлигини ишга зудлик билан киришиш деб тушунди.

-Ишга жон-жаҳдингиз билан киришадиган одам эканлигингиз кўриниб турибди. Қеласи сафар кўришганимизда менга батафсил маълумот беришингизга ишончим қилди. Хайр. Маркус ниҳоят тилга кирди.

-Хайр, жаноб Жонс,-деди у ўрнидан туриб, мижозини эшиккача қузатиб кўярдан.

Жонс кетгач, Маркус яна жойига ўтирди. У қарахт бўлиб қолганди. У жавонни очди ва ичидан бир шиша виски билан стакан олди. У вискидан қуйди ва ичкилик хўплаганча энди нима қилиш кераклигини ўйлай бошлади.

Унинг янги мижози Кристин Эннинг эри. “Унчалик ҳам кўримли эмас экан,-ўйлади у.-

Кристин у билан ажрашиб менга тегишни исташи бежизга эмас экан. Бундан ташкари, у мени жудаям севади”.

У мижозига хакикатни етказа олмасди. Аммо барибир маълумот бериши шарт.

У ишни агент Скотт Палмерга топширишга ва икки хафталик кузатув давомида Кристин Энн билан учрашмай туришга қарор килди. Кристиннинг эри унга кандай вазифа топширганини севгилисига кейинрок, маълумотни бериб бўлгач айтади. Улар унинг устидан мирикиб кулишади.

Икки хафтадан кейин Скотт Палмер, ўз ишини чин дилдан адо этувчи йигирма бир ёшли йигит Осборннинг хонасига кириб келди.

-Жонсинг ишини нихоясига етказдим. Эртага эрталаб маълумот столингиз устида бўлади.

-Зўр! Яна бир нарса. Илтимос, жаноб Жонсга кўнгирок килиб эртага эрталаб соат ўнда хонамга келишини айтиб қўй.

-Хўп. Эртагача.

Ертасига эрталаб Жонс Осборннинг олдида келганида Скотт маълумот ёзишни хали тугатиб улгурмаганиди.

-Хайрли тонг, жаноб Жонс. Ўтиринг. Кахва ичасизми? –деди Осборн.

-Яхши бўларди. Рахмат.

Осборн пластик стаканга кайнок кахва куйди, шакар ва каймок солиб Жонсга узатди.

Улар эндигина кахвадан хўплай бошлашган пайтда хонага Скотт кирди ва Жонс билан кўришгач, хўжайинига маълумот солинган жилдни топширди. Осборн маълумотнинг асл нусхасини олди ва дархол мижозига узатди. Маълумотнинг иккинчи нусхасини эса тескари холатда олдига қўйиб қўйди.

Жонс маълумотни бир туки хам ўзгармай ўкиб чикди. У ўкиб бўлгач, Осборнга тикилди ва деди:

-Учта.

-Кечирасиз?

-Мен шу нарсадан кўрккандим. Атиги икки хафта ичида уч киши.

-Нима тўғрисида гапиряпсиз?

-Сиз тайёрлаган маълумот. Батафсил ёзилибди. Икки хафта ичида у учта эркак билан учрашишга улгурибди.

Осборн бу сўзларни эшитиб бир калкиб тушди. Оғзидаги кахваси тўғри олдидаги маълумот ёзилган коғозга тушди.

-Нима? Кечирасиз,-деди у.

У кахва тўкилган хар бир варақни артганча маълумотни ўқишга киришди.

Ўқишни тугатгач, у ўзини холсиз ва гўлдек хис килди. Осборн бор кучини йигиб мижозига тикилди. Мижози эса аста сўз котди:

-Дунёда биз умуман ишониб бўлмайдиган аёллар хам бор, шундай эмасми?

Инглиз тилидан Дилшодбек Аскарров таржимаси.